



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 27/11/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir weiderzeleeden.

De 25.11 gouf bekannt dass d'Staat Lëtzebuerg plangt, privat Sécherheitsfirmen a verschiddene Quartieren an der Staat patrulléieren ze loossen. Dës Firme ginn haut schonn oft genotzt fir d'Sécherheet vu Geldtransporten an op Concerten ze garantéieren. Och wann d'Konzept vu private Sécherheitsleit net néi ass, esou stellen sech awer eng Réi Froen zu de Rechter a Flichte vun de private Sécherheitsfirmen an hiren Employéeën.

An deem Zesummenhang wéilt ech dem Minister dës Froen stellen:

1. Wei vill privat Sécherheitsfirme sinn hei zu Lëtzebuerg ugemellt?
Wéi eng Autorisatioun mussen dës Firme ufroen, fir hei am Land kënnen als privat Sécherheitsfirma dierfen ze fungéieren?
Iwwert wéi vill Employéeën verfügen dës Firme zesummegezielt?
2. Ginn et Krittären, déi eng Sécherheitsfirma muss respektéieren an iwwerpréiwen am Fall wou si néit Personal astellen?
 - Falls jo, ëm wéi eng Krittären handelt et sech?
 - Falls nee, firwat net?
 - Mussen dës Firme och no dem Astelle vum Personal nach iwwerpréiwen op d'Personal d'Krittären erfëllt?
3. Mussen dës Employéeën sech ausweise kënnen, wann si am Asaz sinn?
 - Falls jo, op wéi eng Manéier mussen si de Léit ronderëm sech matdeelen, dass et sech bei hinnen em privat Sécherheitsleit handelt?
 - Falls nee, firwat net?
4. Wéi vill Plaintë sinn an deene lëschte 5 Joer géint Personal vu Sécherheitsfirmen am Asaz, deposéiert ginn?
5. Wéi eng Objeten dierfen dës Agente mat sech féieren, fir sech géint eventuell Ugrëffer ze verdeedegen?



6. Dierfen si, wann se am Asaz sinn, suspekt Persounen duerchsichen?
Dierfen si suspekte Persounen hier Rucksäck oder Poschen duerchsichen?

Mat déiwem Respekt,



GOERGEN Marc
Député

